

< Հ Ա Ս Տ Ա Տ Վ Ա Ծ Է >

< Ա ն ա լ ի տ ի կ > Փ Բ Ը

« 25 » հունիսի 2014 թ.

տարեկան ընդհանուր ժողովի կողմից

Ժողովի նախագահ՝ ՀՀ ԷԲՊ

նախարար՝ Ե. Զախարյան



< Ա Ն Ա Լ Ի Տ Ի Կ > Փ Բ Ը

2013 Թ Վ Ա Կ Ա Ն Ի Տ Ա Ր Ե Կ Ա Ն

Հ Ա Շ Վ Ե Տ Վ Ո Ւ Թ Յ Ո Ւ Ն

I. ՏԵՂԵԿԱՏՎՈՒԹՅՈՒՆ ԸՆԿԵՐՈՒԹՅԱՆ ՄԱՍԻՆ

Անվանումը՝	
հայերեն լրիվ	<Անալիտիկ> փակ բաժնետիրական ընկերություն
կրճատ	<Անալիտիկ> ՓԲԸ
ռուսերեն լրիվ	Закрытое акционерное общество <Аналитик>
կրճատ	ЗАО <Аналитик>
անգլերեն լրիվ	<Analitic> closed joint-stock company
կրճատ	<Analitic> CJSC
հասցեն	ՀՀ ք. Երևան, Կոմիտաս 29, 0012
հեռախոս	(+37410) 275073
Հարկային մարմինում գրանցման համարը	00000749
<Անալիտիկ> ՓԲԸ հաշվարկային հաշվի համարը Արդշինինվեստբանկ	247010000526
Պետ.ռեգիստրում գրանցման ամսաթիվը	12.02.2009թ.
Գրանցման համարը	26414000773
Վկայականի թիվ	01 Ա 008033
Իրավակազմակերպական ձևը	փակ բաժնետիրական ընկերություն

Ընկերության կանոնադրական հիմնադրամի մեծությունը կազմում է 10970000 դրամ, բաժնետոմսերի քանակը 47 հատ հասարակ (սովորական) անվանական բաժնետոմսեր: Մեկ բաժնետոմսի անվանական արժեքը 233404 դրամ:

Բոլոր բաժնետոմսերը տեղաբաշխված են, պատկանում են Հայաստանի Հանրապետությանը, վճարված են նրա կողմից և կառավարվում են ՀՀ կառավարության և նրա լիազորված անձի ՀՀ էներգետիկայի և բնական պաշարների նախարարի կողմից:

ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՄԲ ՆԱԽԱՏԵՍՎԱԾ ԽՆԴԻՐՆԵՐԸ ԵՎ ՆՊԱՏԱԿՆԵՐԸ

Ընկերության ստեղծման նպատակն է տնտեսական գործունեություն իրականացնելու ճանապարհով շահույթի ստացումը, որն իրականացնելու համար ընկերությունը զբաղվում է հետևյալ գործունեությամբ՝
օգտակար հանածոների հայտնաբերման նպատակով երկրաբանական նմուշների համալիր հետազոտում:

Օրենքով սահմանված գործունեության առանձին տեսակներով ընկերությունը կարող է զբաղվել միայն լիցենզիայի (հատուկ թույլտվություն) առկայության դեպքում:

Ընկերությունն ունի <Որակի բնագավառում քաղաքականություն>:

ԸՆԿԵՐՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ

1. Բաժնետիրոջ ընդանուր ժողով՝ Ընկերության կառավարման փարձրագույն մարմին

Երվանդ Զախարյան - ՀՀ Էներգետիկայի և բնական պաշարների նախարար, ընկերության բաժնետոմսերի կառավարման լիազորություններն իրականացնող

2. Ընկերության միանձնյա գործադիր մարմին՝
գլխավոր տնօրեն - Սուսաննա Հովսեփի Սարգսյան

ԸՆԿԵՐՈՒԹՅԱՆ ՍՏԵՂԾՄԱՆ ՊԱՏՄՈՒԹՅԱՆ
ՀԱԿԻՐՃ ՆԿԱՐԱԳՐՈՒԹՅՈՒՆԸ

<Անալիտիկ> փակ բաժնետիրական ընկերությունը ստեղծվել է ՀՀ բնապահպանության նախարարության 26.12.1997թ. N 135 որոշման համաձայն, <Անալիտիկ> ՊՓԲԸ <Կենտրոնական լաբորատորիա> պետական ձեռնարկության վերակազմավորման ճանապարհով: Ընկերությունը հանդիսանում է <Կենտրոնական լաբորատորիա> պետական ձեռնարկության իրավահաջորդը (վկայական 01 Ա 008033, գրանցման թիվ 264.140.00773): ՀՀ կառավարության 15.05.2008թ. թիվ 653-Ն որոշմամբ <Անալիտիկ> ՊՓԲԸ-ի բաժնետոմսերի կառավարման լիազորությունները վերապահվել են ՀՀ էներգետիկայի և բնական պաշարների նախարարին: Ընկերության 30.12.2008թ. արտահերթ ընդհանուր ժողովում ընկերությունը վերանվանվել է <Անալիտիկ> ՓԲԸ:

Ընկերության կանոնադրությունը իրավաբանական անձանց պետեզիստրի Արարկիբի տարածքային բաժնում գրանցվել է 12.02.2009թ.:

ՏԵՂԵԿԱՏՎՈՒԹՅՈՒՆ ԵՆԹԱԿԱՌՈՒՑՎԱԾՔՆԵՐԻ ՄԱՍԻՆ

Ընկերության տնօրինության տակ է գտնվում լաբորատոր նպատակներով կառուցված շենքը, որը շահագործման է հանձնվել 1970 թվականին, և կից հողատարածքը:

ՀՀ կառավարության 21.05.1998թ. թիվ 311 որոշման համաձայն ընկերությանը պետական սեփականության իրավունքով տրամադրվել է անշարժ գույքի սեփականության (օգտագործման իրավունքի գրանցման վկայական, որը գրանցվել է անշարժ գույքի կադաստրի պետական կոմիտեի 1-2 մասյանի 0000054 համարի տակ:

Շենքի ընդանուր մակերեսը կազմում է 3355.6 քառ.մետր, իսկ հողամասի չափը՝ 0.42 հա:

II. ԱՐՏԱԴՐԱԿԱՆ ԳՈՐԾՈՒՆԵՈՒԹՅՈՒՆ

2013 թվականի ընթացքում <Անալիտիկ> ՓԲ ընկերությունն աշխատել է 3 մասնագիտացված լաբորատորիաներով՝

1. Ֆիզ-քիմիական մեթոդներով հետազոտման լաբորատորիա
2. քիմիական լաբորատորիա
3. ոչ հանքային հումքի փորձարկման լաբորատորիա

Լաբորատոր աշխատանքների ծավալը կազմում է 110147.0 հազ. դրամ, (ԱԱՀ-ի հետ այն կազմում է-132176.0 հազ.դրամ): Ըստ մասնագիտացված լաբորատորիաների կատարված աշխատանքների ծավալը հետևյալն է.

N	Մասնագիտացված լաբորատորիա	2013թ. կատարված ծավալը (հազ.դրամ)	2013թ. կատարված ծավալը /նմուշ/	2012թ. կատարված ծավալը (նմուշ)
1.	Ֆիզ-քիմիական մեթոդներով հետազոտման լաբորատորիա	55380.0	5538	3339
2.	Քիմիական լաբորատորիա	54254.2	4081	4033
3.	Ոչ հանքային հումքի փորձարկման լաբորատորիա	512.5	83	64
	<i>Ընդամենը</i>	110146.7	9702	7436

2012 թվականի /68338.6 հազ. դրամ/ համեմատությամբ 2013 թվականին /110146.7 հազ. դրամ/ լաբորատոր աշխատանքների ծավալը դրամական արտահայտությամբ աճել է շուրջ 61.1%-ով, իսկ ֆիզիկական ծավալը՝ 1.3 անգամ:

Ընդերքի հետ կապված երկրաբանական խնդիրների լուծումն անհնար է առանց լաբորատոր ուսումնասիրությունների, քանի որ այդ արդյունքների շնորհիվ է հնարավոր հաստատել հետազոտվող օգտակար հանածոների որակական ու քանակական բնութագրերը, քիմիական կազմը և դրանց արդյունաբերական օգտագործման ուղիները: Լաբորատոր ուսումնասիրությունների արդյունքները երկրաբանական աշխատանքների հայելին է, ուր յուրաքանչյուր անալիտիկ տվյալ իր արտացոլումն է գտնում այդ աշխատանքների արդյունավետության մեջ:

“ԱՆԱԼԻՏԻՎ” ընկերության կադրերի բարձր որակավորումը, տեխնիկական զինվածությունը և ժամանակակից այնպիսի անալիտիկ մեթոդների կիրառումը՝ ինչպիսիք են ատոմային-աբսորցիան, թերմոգրավիմետրիան, քրոմատոգրաֆիան, ինֆրակարմիր սպեկտրոսկոպիան, թերմիկան, դիֆրակտոմետրիան, և այլն, հնարավորություն են տալիս լաբորատոր հետազոտությունները կատարել պատշաճ մակարդակով, ապահովելով վստահելի անալիտիկ տեղեկատվություն երկրաբանական աշխատանքների ցանկացած փուլում:

Լաբորատոր հետազոտությունների հիմնական առարկաներն են հանդիսանում բազմամետաղ, սուլֆիդային, պղնձային, պղնձակոլչեդային, պղնձամոլիբդենային հանքանյութերը, սիլիկատային լեռնային ապարները, ջրերը, շինանյութերը մետաղյա թափոնները և այլն:

Հաշվետու տարում ընկերության կողմից ձեռք բերվեց ատոմային աբսորբցիոն անալիզի համար անհրաժեշտ նոր տարրերի (այդ թվում՝ կոբալտ, նիկել, մանգան և այլն) կատոդային լամպեր և ստանդարտ նմուշներ, ինչպես նաև գերմանական KERN ընկերության էլեկտրոնային կշեռք: Քիմիկո-անալիտիկ լաբորատորիայի նմուշների քայքայման սենյակի համար գնվեցին երկու նոր քարշիչ պահարաններ և Մեծ Բրիտանիայի “STUART” ընկերության կողմից արտադրված երկու նոր ջեռուցիչներ:

2013 թվականի ընթացքում Գերմանական հեղինակավոր TÜV NORD ընկերությունը անցկացրեց <Անալիտիկ> ՓԲԸ-ի Որակի կառավարման համակարգի հերթական աուդիտը, որի արդյունքները մեկ անգամ ևս հաստատեցին լաբորատորիայի որակի համապատասխանությունը Միջազգային ISO 9001-2008 ստանդարտի պահանջներին:

1. Ֆիզ-քիմիական մեթոդներով հետազոտման լաբորատորիայում կատարվում են թանկարժեք մետաղների պարունակության որոշումներ՝ տարբեր անալիտիկ մեթոդներով:

2. Քիմիական լաբորատորիայում կատարվում են սև, գունավոր, հազվագյուտ ու ցրված, ալկալիական մետաղների սիլիկատների, ջրերի, մետաղյա թափոնների նմուշների քիմիական հետազոտումներ:

3. Ոչ հանքային հումքի փորձարկման լաբորատորիայում կատարվում են երկրաբանական նմուշների (լեռնային ապարներ, շինանյութերի) ֆիզիկական և մեխանիկական փորձարկումներ: Արդյունքների հիման վրա տրվում է եզրակացություն, որտեղ նշվում է հետազոտված նմուշների համապատասխանությունը ստանդարտի պահանջներին և նպատակային օգտագործման հնարավորությունները:

...	6122	58.0%
...	1169	11.3%
...	2520	2.4%
...	1762	16.8%
...	1168	10.8%
...	1127	1.1%
...	10526	100%

III. ՏԻՆԱՆՍԱՏՆՏԵՍԱԿԱՆ ԳՈՐԾՈՒՆԵՈՒԹՅՈՒՆ

2013 թվականին Ընկերության տարեկան համախառն եկամուտը հիմնական գործունեությունից կազմել է 110147.0 հազ. դրամ: Նշված եկամուտի գոյացման աղբյուրներն են մասնագիտացված լաբորատորիաների կողմից կատարված երկրաբանական նմուշների լաբորատոր հետազոտումները:

Այլ գործունեությունից եկամուտը կազմել է 7668.0 հազ. դրամ: Ընդամենը եկամուտը 117815.0 հազ. դրամ:

Իրացված աշխատանքների ինքնարժեքը կազմել է 74408.0 հազ. դրամ, վարչական ծախսերը՝ 27826.0 հազ. դրամ, գործառնական այլ ծախսերը /հարկեր և այլ / 3161.0 հազ. դրամ: (հավելված 1):

Աշխատավարձ և դրան հավասարեցված վճարումները կազմել են՝ 61222.0 հազ. դրամ:

2013թ. ընկերությունը ապահովել է շահույթ՝ 12420.0 հազ. դրամի:

Ընդհանուր ծախսերի մեջ առանձին ծախսային հոդվածների համամասնությունը տոկոսային արտահայտությամբ կազմում է՝

հազ. դրամ

Աշխատավարձ և դրան հավասարեցված վճարներ	61222	58.0%
Հումք և նյութեր	11891	11.3%
Հիմնական միջոցների վերանորոգման, սպասարկման ծախսեր	2320	2.2%
Հիմնական միջոցների ամորտիզացիա	17668	16.8%
Այլ ծախսեր	11168	10.6%
Հարկեր	1127	1.1%
Ընդամենը	105396	100%

Ընկերության ակտիվների կառուցվածքում ոչ ընթացիկ ակտիվները կազմում

են 95.4 %:

Մեփական կապիտալը աճել է 1119696,0 հազ. դրամով և կազմում է հաշվեկշռի պասիվային մասի 98.8%: Կանոնադրական կապիտալի զուտ գումարը կազմում է 10970.0 հազ. դրամ:

Շահութահարկի գծով ծախսը կազմել է 5968,0 հազ. դրամ: Զուտ շահույթը շահութահարկի գծով ծախսի նվազեցումից հետո կազմել է 6452,0 հազ. դրամ:

IV. ԱՇԽԱՏԱՆՔ ԵՎ ԱՇԽԱՏԱՎԱՐՁ

2013թ. ընթացքում Ընկերության փաստացի աշխատողների միջին ցուցակային թվաքանակը կազմել է 21 մարդ: 2013թ. ընթացքում աշխատանքի են ընդունվել 4 մարդ, աշխատանքից ազատվել՝ 1 մարդ:

Մասնագիտական որակավորում պահանջվող աշխատողների 100 %-ը ունեն համապատասխան բարձրագույն կրթություն, աշխատողների 22 %-ը մինչև 35 տարեկան են, 22 %-ը՝ 35-50 տարեկան, 56 %-ը՝ 50-ից բարձր տարիք ունեցող աշխատողներ են:

2013թ. ընթացքում աշխատողներին վճարված աշխատավարձը և դրան հավասարեցված վճարները կազմել են 61222,0 հազ. դրամ, միջին աշխատավարձը կազմել է 242.9 հազ. դրամ:

Ընկերությունում գործում է <Անալիտիկ> ՓԲ ընկերության աշխատողների վարձատրման և խրախուսման կանոնակարգը:


V. ԵԶՐԱՓԱԿԻՉ ԴՐՈՒՅԹՆԵՐ

2013թ. ընթացքում Ընկերությունը երկրաբանական նմուշների լաբորատոր հետազոտումներ կատարելու համար կնքել է պայմանագրեր 12 ընկերությունների հետ, ինչպես նաև համապատասխան պայմանագրեր են կնքվել Ընկերության արտադրական գործունեության անխափան ընթացքը ապահովող տարբեր կազմակերպությունների հետ:

2013թ. ընթացքում նախատեսված բոլոր հարկերը յուրաքանչյուր ամիս, օրենքով նախատեսված ժամկետներում, վճարվել են պետություն:

2013թ. դեկտեմբերի 1-ի դրությամբ Ընկերությունում անց է կացվել ընկերության հաշվեկշռում արտացոլված ակտիվների և պարտավորությունների գույքագրում, որի արդյունքները արտացոլվել են 2013թ. տարեկան հաշվետվություններում: Ընկերությանը հասցված վնասի, անօրինական դուրս գրումների, վճարումների և ծախսերի դեպքեր, ինչպես գույքագրման արդյունքներով, այնպես էլ տարվա ընթացքում չեն արձանագրվել:

<Անալիտիկ> ՓԲԸ
գլխավոր տնօրեն



Ս. Սարգսյան